

平遠州志卷之五

城池 附市肆 倉儲 養濟

易載城隍詩言墉壑增高濬深所謂設險以守也
平遠始土城耳後乃易之以石樓櫓雉堞屹若金
湯之固守土者誠深之以衆志成城之義則保固
豈獨在形勢哉

舊小傳設險守國城池之制由來重矣况虎狼巢穴之
中路險山高所以衛民而固國者端恃乎此平
遠城舊設木柵不過行營之便易而築土難為
國家謀遠無政不修固已雉堞崔嵬樓櫓整飭永壯

平遠州志

卷之五 城池

一四十三

金湯足當半壁矣志城池

平遠屬水西舊地環山帶水未有城池明天啟乙
亥宣慰安氏絕嗣各土目互相雄長爭權擅立彼
此獻土獻印請副將一員劉正藩駐鎮於此歲丙
子始建石城未及一載土目納恩隴跨作叛官兵
莫能守棄城而犇城悉為毀

國朝康熙四年改設郡制以茨為城五年隴革白泥
阿沮等乘釁攻劫遊擊侯才破之始設大鎮修建
木城開立東南西北小東五門東曰迎旭南曰毓

秀西曰來爽北曰永安七年知府邱業總兵劉文進重築土城高八尺環七百二十六丈城外鑿濠深一丈寬一丈二尺兵民各分地界隨壞隨修自東南抵西屬民自東北抵西屬兵遂為成例士民多患之議以營庄變價修理舊志詳載公文用心甚苦至乾隆十三年於遵

旨覆奏仰祈睿鑒事案內奉文領帑修建石城署州郭振領銀壹萬捌千餘兩於是年正月動工興修於乾隆十四年十一月報竣城高加舊制二尺長

平遠州志

卷之五 城池

二四十四

加舊制一百丈而平遠遂有石城焉

平遠州城

乾隆十三年新砌石高一丈周圍八百二十丈城門五城樓五城濠深一丈

寬一丈二尺

市肆 附

城中州衙前長壽街 聚寶街

經司巷 廣通街

東門朝陽街 東門外織金街

察院街 廣興街

南門通順街 南門外交濟街 即州城場

西門長興街

順城街

北門清寧街

將軍街

小東門興隆街

天柱街

本城場

逢期郊西

小虎場

州東二十里

龍場

州東七十里

化溪蛇場

州東六十里

牛場

州東六十里

馬場

州東七十里

虎場

州東八十里

鼠場

州東北三十里

熊家場

州南六十里

羊場

州南九十里

豬場

州南一百二十里

雞場

州西一百二十里

平遠州志

卷之五

肆市

三十四十五

馬場

州西七十里

崔籠狗場

州西一百二十里

比得鼠場

州西二百里

趙家豬場

州西二百里

阿女猴場

州西三百里

阿憂牛場

州西三百里

米猓狗場

州西三百二十里

比怯羊場

州西三百五十里

歸集鼠場

州西四百里

阿得蛇場

州西四百五十里

八步場

州北四十里

茶店場

州北六十里

拉志兔場

州北四十里

倉儲

附

風調雨順國泰民安字倉拾捌間

豐盈豐亨大有廣貯餘慶倉六間

新建倉三間

知州蘇松雍正九年請建

永興倉三間

永隆倉三間

永盛倉二間

豐裕倉二間

永德倉三間

天字倉二間

地字倉三間

黃字倉三間

乾隆四年知州李喬林請建

景寧倉三間

宇字倉三間

日字倉二間

月字倉二間

平遠州志

卷之五 倉儲

乾隆八年知州鈕嗣昌請建

星字倉三間

景昇倉二間

景和倉三間

乾隆十二年署知州郭振請建

新倉八間

乾隆十八年知州潘廷權請建二十一年奉

憲減貯案内變價繳司

以上新舊倉廩共七十四間

外汛倉三間

歸集 以個 鎮寧安莊

養濟 附

養濟院草房六間縱橫十丈乾隆四年於欽奉
上諭事案內知州李喬林請建

原額設額內孤貧叁拾肆名口

額外孤貧叁拾壹名口今奉文裁減現今實在額
內孤貧貳拾柒名實在額外孤貧貳拾叁名每名
每日給口糧米捌合共米壹百肆拾肆石每名每
年鹽菜銀壹兩捌錢每名每年衣褲銀玖錢玖分

平遠州志

卷之五 養濟

五
四十七

按年赴 藩庫請領發給